



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

**Imago saeculi XVII. ad annum huius saeculi X. producta**

**Neuhusii Paderbornae, 1710**

Annus 1605.

**urn:nbn:de:hbz:466:1-29436**

Hispani. Ostendam rependit Mauritius Insulâ Cassanda, Isendicâ, & Slusâ in Flandria. Albertus Archidux pacem inicit cum novo Rege Angliæ; cum eodem fœdus sancit Philippus Rex Hispaniæ. Summa fœderis, ut libera genti utrique commercia, & Anglus Hollandos non juvaret.

Pestum in Ungaria à Christianis ante bienniũ captum in Turcarũ redit potestatem;

Rex Persarum Babylonem & Ægyptum invadit, Turcas fundit, & Taurim Persarum olim regiam recipit.

Carolo Sueco ejusque hæredibus masculis, abdicato Sigismundi nepote, publico Ordinum Sueciæ decreto, Regnum confirmatur.

Ordo Sanctimonialium à Beata Virgine annunciatâ instituitur.

Flexiæ in Gallia assignavit PP. Soc. Jesu Palatium Ducum Vindocinensium pro Collegio Rex Henricus, decrevitque, ut in eodem, in quo fuisset natus, humaretur parte sui meliore, corde nimirum suo, & Reginae Conjugis, illustri amoris testimonio erga innocentes.

ANNUS 1605.

**R**omæ 3. Martii vitam cum Laude & Fama

Fama Sanctitatis claudit Clemens VIII. Pontifex maximus magnis rebus præter virtutes privatas celebris; maximè, quod Henricum adscripserit Ecclesiæ, Ferrariam verò Romanæ Sedi. Successorem accipit Calendis Aprilis ex Familia Medicea Cardinalem Alexandrum Florentiæ Archi-Episcopum, qui nomen assumpsit Leonis XI. Orbi Christiano ostensum potius, quam concessum. Post dies enim Imperii 27, ex morbo ipso Pompæ solennis die contracto consumptus vacuam sedem reliquit Camillo Burghesio Senensi, qui se Paulum V. dixit, uti vitâ diuturnior, ita & rebus gestis pro Deo & Ecclesia clarior.

Turbæ novæ in Ungaria. Seditiosi Ungari ob non soluta stipendia Imperia Basiæ detrectant, & Moraviam vicinasque provincias miserè devastant. Stephanus Bozkajus nobilis Hungarus, sed pessimus Zvinglianus, auxilio Turcarum magnam Transylvaniæ partem occupat, & Catholicos dirè persequitur. Strigonium amittitur.

Carolus, qui se Regem Sueciæ dicebat ad Rigam Livoniæ à Polonis magna suorum clade profligatur.

In India Orientali Rex Serræleænæ ejus-

que duo Fratres ac quatuor liberi baptizantur à P. Balthasare Barreira Soc. Jesu.

Horrenda solis defectio mense Octobri.

In Belgio spinola tum per se, tum per Ducem Buquojum egregiè rem fidei, & Alberti Archi-Ducis contra Mauritium promovet.

In Anglia præfenti periculo Rex servatus cuniculo subter locum comitiorum ducto, quo ipse, cunctique proceres nitrato pulvere periissent, nisi sub ipsum penè rei gerendæ articulum delatæ insidiæ discrimen discussissent. Sævitur inde crudeliter in catholicos, & multi etiam innocentes suppliciiis immanibus affecti, Hæresi Neroniana sæcula renovante.

Illustris fuit mors Henrici Garneti Soc. Jesu Sacerdotis etiam prodigiis; nam gutta Sanguinis ex dissecto corpore decidens in spicam tritici veram Henrici effigiem depinxit cum corona & cruce. Cultus inde à plerisque pro Martyre, quem tanto miraculo Deus ipse depinxisset; causa mortis, quod conpirationem pulverariam cognitam in confessione non detexerit prohibitus Sigillo.

*ANNVS 1606.*

**I**N Italia civile exoritur incendium inter